



# SPRIOC 2: DEIREADH LE hOCRAS

LE: MARGREET DE HEER

2 DEIREADH  
LE hOCRAS



BÍONN AN MÉID SIN BIA AG DAOINE ÁIRITHE, GO gCUIREANN SIAD CUID DE AMÚ, CÉ GO BHFUIL DAOINE EILE ANN NACH BHFUIL GO LEOR BIA ACU, NÓ NACH BHFUIL ACH DÓTHAIN BIA DE SHAGHAS AMHÁIN ACU.....



MURA nITHEANN TÚ  
ACH SAGHAS AMHÁIN  
BIA BAINFIDH LAIGÍ  
ÁIRITHE LEAT

# SEO AN RUD A DHÉANFAIMIS FAOI




## CUIR DEIREADH LE MÍCHOTHÚ

CUIR FEABHAS AR NA CLÁIR  
OIDEACHAIS AGUS SÓISIALTA AR  
MHAITHE LE: MÁITHREACHA, NA  
PÁISTÍ AGUS AN AICME AOSTA

## CUIR DEIREADH/ DÉAN BAINISTIÚ

AR NA TUBAISTÍ NÁDÚRTHA



AR NÓS  
NA dTUILTE!

## TACAIGH LEIS NA FEIRMEOIRÍ BEAGA

NA MNÁ AGUS AN POBAL DÚCHASACH  
ACH GO HÁIRITHE



## COSAIN ÉAGSÚLACHT


NA mBARRAÍ AGUS NA nAINMHITHE FEIRME





**Ullmhaíonn Thandekile (31)  
mealbhacán sa bhaile sa  
tSiombáib. Grianghraf: Cynthia  
R. Matonhodze**





# Cairt an Ocras 2020

**OCRAS SEASTA**

Má leanann an clonadh seo, beidh 840 milliún duine gan go leor bia a bheith acu faoin mbliain 2030

<2,5% <5% 5-14,9% 15-24,9% 25-34,9% >35%

NÍL EOLAS  
AR FÁIL

Minicíocht an ghanchothaithe sa daonra ina iomlán (%) i 2017-19



**Cothaíonn Nomatter (11) agus Forward (8) na sicíní sa bhaile sa tSiombáib agus súil á choimeád ag a mamaí Thandekile orthu. Grianghraf: Cynthia R Matonhodze**







Tugann Thandekile (31) agus a hiníon  
Nomatter (11), uisce chun an tí sa tSiombáib.  
Grianghraf: Cynthia R. Matonhodze



EBIYUNI  
YAMS

Obulaya Irish Potatoes

DRY YAMS

Cassava  
Muhongo

Dry Cassava

TURMERIC  
EBIZALI

Omubwila Doo

BARUNGU

RWAISE

AMASOMI  
FOOD

Engaz



## ROCHTAIN DO CHÁCH AR BHIA SLÁN COTHAITHEACH

Deireadh a chur leis an ocras faoin mbliain 2030, agus rochtain ar go leor de bhia slán cothaitheach a dheimhniú do chách, do na boicht, do dhaoine leochaileacha, do leanaí ach go háirithe, bia a bheadh ar fáil ar feadh na bliana.

SPRIOC 2-1



## IONCAIM AGUS TÁIRGIÚLACHT NA DTÁIRGEOIRÍ BEAGA BIA A MHÉADÚ FAOI DHÓ

Ioncaim agus táirgiúlacht na bhfeirmeoirí agus na dtáirgeoirí beaga bia a mhéadú faoi dhó faoin mbliain 2030, agus aire a thabhairt ach go háirithe do na mná, don phobal dúchasach, do na hiascairí agus do na tréadaithe. Caithfear cothroime rochtana slán a ghealladh dóibh ó thaobh talaimh de, acmhainní táirgiúlachta, oideachas, seirbhísí airgeadais, margaí agus deiseanna breisluacha agus fostaíocht taobh amuigh den fheirmeoireacht.

SPRIOC 2-3



## COIMEÁD AN ÉAGSÚLACHT GHÉINITEACH I DTÁIRGEADH AN BHIA

Caithfear an éagsúlacht ghéiniteach a bhaineann le síolta, le plandaí cothaithe, le hainmhithe feirme agus le hainmhithe allta áirithe eile a chinntiú faoin mbliain 2020. Caithfear stórais dhea-rialta de shíolta agus d'éagsúlacht plandaí a choimeád go réigiúnach, go náisiúnta is go hidirnáisiúnta. Caithfear na buanna a thagann ó shaothrú na n-acmhainní géiniteach agus ó na modhanna traidisiúnta feirmeoireachta a roinnt go cothrom ar chách de réir mar a shocraítear go hidirnáisiúnta.

SPRIOC 2-5



## BAC A CHUR LE SRIANÚ TRÁDÁLA FEIRMEOIREACHTA, LE SAOBHADH NA MARGAÍ AGUS LE FORDHEONTAIS EASPÓRTÁLA

Caithfear srianú trádála agus saobhadh na margaí domhanda d'earraí feirmeoireachta a leigheas, deireadh a chur leis na fordheontais easpórtála agus gach straitéis ar aon dul leo a stopadh díreach mar a luaitear sa mhandáid a tugadh do Bhabhta Forbartha Doha.

SPRIOC 2-B



## DEIREADH A CHUR LE GACH SAGHAS MÍCHOTHAITHE

Deireadh a chur le gach saghas míchothaithe faoin mbliain 2030. Na spriocanna idirnáisiúnta a bhaineann le heaspa chothaithe na leanaí faoi 5 bliana a shroicheadh faoi 2025. Caithfear freastal ar riachtanais chothaithe na gcailíní ógánta, na mban atá ag iompar nó ag lachtadh, agus ar riachtanais an lucht aosta.

SPRIOC 2-2



## TÁIRGEACHT INBHUANAITHE AN BHIA AGUS CLEACHTADH LÁIDIR TALMHAÍOCHTA

Caithfear táirgeacht inbhuanaithe an bhia agus cleachtadh láidir talmhaíochta a ghealladh faoin mbliain 2030. Mhéadódh a leithéid an táirgiúlachta agus an táirgeadh ar bhealach a chosnódh an t-éiceachóras agus a bheadh ábalta seasamh in aghaidh an athraithe aeráide, in aghaidh na dtuile, in aghaidh na hadhaimsire agus na dtubaistí eile, agus a chabhródh le caighdeán na cré agus na talún a fheabhsú.

SPRIOC 2-4



## INFHEISTÍOCHT A DHÉANAMH IN INFREASTRUCHTÚR NA TUAITHE, SA TAIGHDE TALMHAÍOCHTA, SA TEICNEOLAÍOCHT AGUS I mBANC NA GÉINE

Caithfear infheistíocht bhreise a chur in infreastruchtúr na tuaithe, sa taighde talmhaíochta agus i seirbhísí a bheadh bainteach leis, i mbainc géinte plandaí agus ainmhithe, agus i gcur chun cinn na teicneolaíochta, le cabhair agus le comhoibriú idirnáisiúnta. Chuirfeadh sé seo go mór leis an táirgiúlacht talmhaíochta sna tíortha i mbéal forbartha, agus sna tíortha is boichte díobh ach go háirithe.

SPRIOC 2-A



## SEASMHACHT NA MARGAÍ EARRAÍ BIA AGUS ROCHTAIN THRÁTHÚIL AR EOLAS A CHINNTIÚ

Caithfear straitéis a chur i bhfeidhm a chinnteoidh go rialófar na margaí earraí bia ar bhealach cóir, agus a chuirfidh eolas faoi na margaí ar fáil go tráthúil. Má bhíonn eolas ar fáil go forleathan faoi stoic bia, ba cheart go gcoimeádfai srian ar luaineacht na bpraghsanna bia.

SPRIOC 2-C









**Tháinig Agusti (33) chuig campa Palabek sa bhliain 2017 in éineacht le seachtar dá mhuintir, agus iad ag teitheadh ón gcogadh sa tSúdáin Theas. Is é Agusti duine de na fiontraithe is fearr a bhaineann leis an tionscadal anseo. Bíonn rath ar an ngarraíodóireacht a dhéanann sé, bhunaigh sé dhá ghnó eile, cheannaigh sé gabhar agus d'éirigh leis an teacht isteach a mhéadú faoi 150%. Grianghraf: Sarah Fretwell**





Ainmhithe Feirme sa tSiombáib.  
Grianghraf: Cynthia R. Matonhodze

